


# Жазолашга қодир бўла туриб кечириш буюклар ахлоқидандир



ЖАЗОЛАШГА ҚОДИР БЎЛА ТУРИБ КЕЧИРИШ БУЮКЛАР АХЛОҚИДАНДИР

14:10 / 25 февраль 1787

Бадр жанги том маънода Ҳамза ибн Абдулмутталиб розияллоҳу анҳуни ғуломи, десак адашмаймиз. Аллоҳнинг шери ўша кунда олдидан чиққан мушрикларнинг отлиғи борми, пиёдаси борми, ҳаммасини ер тишлатди. Ахир, нега қатл қиласин?! Унинг лақаби жоҳилиятда «Шерлар овчиси» эди! Расулуллоҳ, соллаллоҳу алайҳи васаллам исломиятда уни «Аллоҳнинг шери» деб атадилар.

Ҳамза розияллоҳу анҳу Бадрда мушрикларнинг жон томирига урдилар. Қурайшликлар у кишини мағлубиятларининг асосий сабабчиси деб билишди. Шунинг учун қасос олиш пайига тушишди.

Ваҳший ибн Ҳарб найзани яхши улоқтиарди. Бу ишда ғоят уста эди. Агар ҳазрати Ҳамзани қатл қиласа, унга озод бўлишини айтишди. Шундай ҳам бўлди. Исломнинг энг буюк қўмондонларидан бири Уҳуд кунида қатл қилинди. Ваҳший шу иши учун озод бўлди.

Макка фатҳ қилингач, Ваҳший қилмишидан қўрққанидан Тоифга қочди. Унга Расулуллоҳ соллаллоҳу алайҳи васаллам ўзлари учун қасос олмасликларини, Ислом олдинги гуноҳларни ўтиб юборишини, агар бориб

динни қабул қилса, унинг исломи мақбул кўрилиб, авф этилишини айтишди.

Ваҳший Набий соллаллоҳу алайҳи васалламнинг ҳузурларига келди. Расулимиз ундан сўрадилар:

- Ваҳший сенмисан?

- Ҳа!

- Ҳамзани сен ўлдирдингми?

- Иш сиз эшитганингиздек бўлган. Мен олдингизга Аллоҳдан ўзга илоҳ йўқлигига, сиз эса Аллоҳнинг элчиси эканингизга гувоҳлик бериш учун келдим!

Набий соллаллоҳу алайҳи васаллам дедилар:

- Кўзимга кўринмай юришга қодирмисан?

Улар қайтиб учрашишмади. Ваҳший розияллоҳу анҳу сўзида турди - Расууллоҳ соллаллоҳу алайҳи васалламнинг кўзлариға қайтиб кўринмади. У масжидда охирги сафларда тураг, Расууллоҳ соллаллоҳу алайҳи васаллам кўриб қолмасинлар деб, бошини паст тушириб ўтираг эди. Уруш сафларида эса энг олдинги қаторлардан жой оларди...

Вафони кўринг!!!

Расууллоҳ соллаллоҳу алайҳи васаллам вафот этганларидан сўнг Мусайлима кazzоб пайғамбарликни даъво қилиб чиқди. Ваҳший ҳам унга қарши курашиш учун мусулмон аскарлари сафида борди. Ваҳший Мусайлима кazzобни ҳам ўша найзаси билан ўлдирди. Кейинчалик у: «Бу найзам билан эн яхши ва энг ёмон одамни Ҳамза ибн Абдулмутталиб билан Мусайлима кazzобни ўлдирғанман!» деб айтиб юрарди.  
«Кўзимга кўринмай юришга қодирмисан?»

Энди шу гапга тўхталамиз.

Ислом ўзидан олдинги гуноҳларни ювади. Набий соллаллоҳу алайҳи васаллам мусулмон бўлмоқ учун келган инсон, олдин нима иш қилганидан қатъий назар, унинг исломини қайтармас эдилар.

Гарчи у одам амакиларини қатл қилган бўлса ҳам...

Шунинг учун Ваҳшийнинг исломини қабул этдилар. Аммо Расулуллоҳ соллаллоҳу алайҳи васаллам ҳам инсон эдилар. У киши ҳам бошқалар каби яхши кўрардилар, бошқалар каби ёмон кўрардилар. Шунинг учун кўзлари очиқлигига Ваҳшийни кўришни истамадилар.

Ваҳшийнинг исломини қабул этиш ила Робблари шариатини татбиқ қилдилар. Аммо уни кўришни истамасликлари ўзларининг шахсий хуқуқлари эди. Ваҳшийни кўрсалар, амакилари, бўлмиш Ҳамза розияллоҳу анҳу ёдларига тушарди.

Жазолашга қодир бўла туриб кечириш буюклар ахлоқидандир. Набий соллаллоҳу алайҳи васаллам эса энг буюк инсон эдилар. Ваҳшийни авф қилдилар. Аммо авф бошқа, яхши кўриш бошқа экан.

Гоҳида бизни кимдир оғир яралайди. Шундай яралайдики, еру осмон бор экан, у яра битмайди. Кейин ярашмоқчи бўлишади. Биз уларни кечирамиз, аммо ёнимизда туришларини истамаймиз. Уларни кўришни ёқтиромаймиз. Чунки уларни кўришимиз билан етказган жароҳатларининг оғриғи бошланади. Улар етказган жароҳат ҳали-замон тузалмаганини ҳис қиласиз.

Ишларни қайтадан ўрнига тушира олмай турганларни ҳам тушунинг. Улар буни кин-адоватдан эмас, қайта озорланишни истамаганлари учун қила олишмайди.

Рус ёзувчиси Лев Николаевич Толстойнинг бир гапи бор: «Инсонлар сенга хиёнат қилишар экан, уларнинг бу иши худди икки қўлингни кесиб ташлаганларига ўхшайди. Сен уларни кечиришинг мумкин, аммо яна қайта қучоқлай олмайсан!»

### **«Набавий тарбия» китоби асосида тайёрланди**

Ушбу китоб Ўзбекистон Республикаси Вазирлар Маҳкамаси ҳузуридаги Дин ишлари бўйича қўмитанинг 2023 йил 7 мартағи 03-07/1506-рақамли ва

2023 йил 24 мартдаги 01-07/1959-рақамлы хulosалари асосида тайёрланди.